
Eronlik tadbirkorning rejalari katta

Yildan-yilga tuman iqtisodiyotiga kiritilgan xorijiy investitsiyalar salmog'i oshib bormoqda. Chet el sarmoyasi ishtirokidagi bir necha istiqbolli loyihalar hayotga tatbiq etilib, ayrim quvvatlarning to'laqonli ishga solinishiga erishildi. Buning natijasida tumanimizning eksport salohiyati ham anchcha yaxshilanib bormoqda.

Tumanimizdagi "Straus Farm" tuyaqushchilik kompleksi ancha shunday xorijiy korxonalaridan biridir. Ferma rahbari, eronlik tadbirkor Mehron Muhammadiy oilasi bilan bugungi kunda 90 bosh tuyaqushni parvarish qilmoqda. Xorijlik ishbilarmon bizga kelajakdagi rejalari haqida so'zlab berdi.

Uning aytishicha, Eron texnologiyasi bo'yicha ish yuritilsa sarf-xarajat kamayib, natija keskin ortadi. Buning uchun mavjud 16 gektar yer maydonidan oqilona foydalanish kerak. Tomchilatib va yomg'ir usulida sug'orish tizimi suvni uch barobar, o'g'itni ikki barobar tejab, samaradorlikni oshirgan bo'lardi. Tuyaqushlar uchun ozuqa - makkajo'xori, bug'doy, beda, soya yetishtirishda yangicha yondashuv zarur. Shu maqsadda muayyan ishlar boshlangan. Turli ekin navlari sinab ko'rilmogda.

-“Arzonning sho'rvasi tatimas” degan naqlga amal qilaman, - deydi Mehron og'a. - Sifatli ish katta mablag' talab qiladi. O'zbekiston qishloq xo'jaligi vazirligi, Eronning O'zbekistondagi elchixonasi bilan maslahatlashib, ish hajmini oshirish maqsadida tomchilatib va yomg'ir usulida sug'orish tizimini qurish oldida turibmiz. Niyatlar amalga ohsa, yana 6 ta ish o'rni tashkil qilamiz. Tadbirkorning orzu-umidlariga bizni quvontirdi. U noyob yetti xazina sirasiga kiruvchi tuyaqushlar sonini tez orada 2000 taga yetkazish uchun izlanmogda.

Rishton tumani hokimligi Axborot xizmati

2023-10-14 09:29:50